

იმიტანა ქმინდა საცემში,
ბეჭდით ბეჭდუდი სიფყვას,
ფყილებით და ჭებრით ბუბთის
გაფანა ყულა უჯარბისბაზე
უსამაგლესია.

დაარსებულია 1918 წელს.

პარასკევი, 18 აპრილი, 2014 წელი.

№78 (7459)

ელექტრონული ფოსტა: sakresp@mail.ru და sakresp@wanex.ge ვებ გვერდი: www.open.ge ფასი 50 თეთრი.

გილოცავთ აღდგომის ბრწყინვალე დღესასწაულს!


უორსმედი, ზემაცქერალო...

აღდგომის მილოცვის სურვილით

უნმიდესო და უნეტარესო – ქართველთა სინარულო, ერის ბედნიერებაგ..
დაბეჩავებულთა თავადირებაგ, უნათლოთა თვალისჩინო, უძღურთა ძლიერებაგ, განწირულთა წყალობაო, მტლყო და სალბუნო ტკივილი-საო...

მუიერთა დამბურებელი, მწყურვალთა დარწყულებაგ!
ურწმუნოთა ემბაზო, ცოდვილთა სინანული, მონანულთა სინარული..
გზაო და წიგნო ჩვენო, სულის სინმინდვე, გულის სიტბოგ..
მლოცველო და მებრძოლო, ნაზო და მკაცრო, თვალხილული საოცრებაგ – „ზეცისა კაცო და ქვეყანისა ანგელოზო“...
ჩვეულებრივის სასწაულად მქცევო – დღესასწაულთა მომწვობო;
შორსმხედო, ზემაცქერალო, მზედმაქცევარო, მზიანობაგ სულისაო..
ღვთის ტარიგო – სანთელი ანთებულო, დაუფსებელს დარებულო, დაუფსებლისაგან ნაფერებო, რჩეულთაგან გამორჩეულო – უწმიდესო, ჩვენო უწმიდესო ჩემო უწმიდესო!
უდიდესი კრძალვითა და სიყვარულით, მუსლ-მოდრეკით გუერთდები თქვენზე მსასოებელ, თქვენიო დაიმედებულ ქართველობას და მათთან ერთად უფალს შევთხოვ თქვენი ჯანის სიმრთელეს, დიდი ხნის სიცოცხლეს! ამინ!

მუდამ თქვენთვის და თქვენზე მლოცველი ასამთ ჯიძიბა

გულანდილი „აღიარება“ 5

ალექსანდრა რონდელი:

თუკი ვინმეს რუსეთის დასულა უნდა, ის არაკრასიონალურად აზროვნებს

4

ნაციონალური მოძრაობა უნდა გასამართლდეს!

ფურთხი ყველასთვის გვაქვს შემონახული, – ამის შესახებ განცხადება ირაკლი კაკაბაძემ გუშინ გამართულ ბრიფინგზე გააკეთა. როგორც ირაკლი კაკაბაძემ აღნიშნა, ქართველი საზოგადოება დიდ სულიერ კრიზისშია და ეს აისახება მათ ეთიკურ მდგომარეობაზე.

– არ ვიცი, ირაკლი ზაქარეიშვილს რამდენად ვუნოლო ადამიანი. ეს არის ჩვენი სამარცხვინო მდგომარეობის შედეგი. ამიტომაც ჩვენ გავაგრძელებთ და პირდაპირი შტურმით შეტევაზე გადავალთ ასეთ უზენო ადამიანებზე, ყველა ასეთ უზენო პირზე, რომელიც ეთიკის ფარგლებზე ზემოთ აყენებს ფულს, – განაცხადა ირაკლი კაკაბაძემ. მისივე თქმით, ვერ დაუშვებს საქართველოში ფაშიზმისა და ავტორიტარიზმის გამარჯვებას.

– ჩვენ გადავალთ პირდაპირი მნიშვნელობით შეტევაზე. სასამართლოს საშუალებით და სასამართლოს ფარგლებს გარეთაც ყველაფერს გავაკეთებთ იმისთვის, რომ „ნაციონალებმა“, სააკაშვილიდან დაწყებული, რიგითი „ნაციონალით“ დამთავრებული, სულ წევრში იცურაონ მთელი ცხოვრების მანძილზე, სანამ არ მოინანიებენ თავიანთ დანაშაულს ქართველი ერის წინაშე. ისეთ ქაქვი ვაბანავებთ ყველა მათგანს და ისე მოულოდნელად, გამოგონებულურად, რომ შეიძლება თვითონაც მოეწონოთ, – განაცხადა ირაკლი კაკაბაძემ. ირაკლი კაკაბაძემ სელისუფლებისგან მოითხოვს „ნაციონალური მოძრაობის“ გასამართლებას.

– მოვითხოვ, გასამართლდნენ ეს დამნაშავეები. ბოლო გაფრთხილება სელისუფლებას, რომ დასაჯონ ისინი, თუ არადა, მათ ჩვენ დავსჯით, – განაცხადა ირაკლი კაკაბაძემ.

გუშინ საქალაქო სასამართლოში ინციდენტი სანდრო გირგვლიანის საქმეზე პროცესის გადადების შემდეგ მოხდა. დარბაზიდან გამოსულ ადვოკატ ირაკლი ზაქარეიშვილს სიტყვიერი შეურაცხყოფა მიაყენეს სანდრო გირგვლიანის მამასთან ერთად დარბაზთან მისულმა პირებმა, ირაკლი კაკაბაძემ და სხვებმა. მათი პროტესტის მიზეზი ზაქარეიშვილის ლევან ბუსაიძესთან დაკავშირებული განცხადებები გახდა.



„გაუინ ყველას ერთმანეთი გვიყვარდა“ ...



6

რასაც ჩვენს გაზეთში წაიკითხავ, სვამბან ვერ ნახავ!..

ქართველ პარტიებს ურჩევნია, თვითონ დაიხადონ თანხი, ვიდრე სხვა

ძარბაზილი ხალხის რწმენას ვერანაირი სხვა ძალა ვერ შეცვლის, — ამის შესახებ სრულიად საქართველოს კათოლიკოს-პატრიარქმა, უწმინდესმა და უნეტარესმა ილია მეორემ გუშინ წყვეტილად განაცხადა სამების ტაძარში წირვის დასრულების შემდეგ, ქადაგებისას ბრძანა.

პატრიარქმა სამებაში დიდი ხუთშაბათის დღესასწაულთან დაკავშირებით ფეხთბანვის წესი აღასრულა, რომლის დროსაც 12 მღვდელთმსახურს ფეხი დაბანა.

ფეხთბანვის წესის შემდეგ პატრიარქმა მრევლს ქადაგებით მიმართა და თავმდაბლობისა და სინამდის მნიშვნელობაზე ისაუბრა, რომელითაც ადამიანი უფლის მადლის მიმღები ხდება.

„ღვთის წყალობა და მადლი მიდის იმ ადამიანზე, რომელსაც აქვს თავმდაბლობა, მორჩილება, სინამდის, სარწმუნოება. ქართველი ადამიანი ოდითგანვე ფიქრობს და ცდილობს, შეინარჩუნოს სარწმუნოება მტკიცედ. ქართველი ადამიანი არავის არ ჩაგრავს. ქართველ ადამიანს ურჩევნია, თვითონ დაიხადოს თანხი, ვიდრე — სხვა. უნდა გვასოსოვდეს, რომ სინამდის, სარწმუნოებას, რომელიც ჩვენ გაქვს, რომელითაც ცხოვრობდა და ცხოვრობს ქართველი ხალხი, ვერავინ ვერ შეცვლის, ვერავითარი სხვა რწმენა. სარწმუნოება მოდის ღვთისაგან და ფინიქსი ადამიანს. ჩვენ ვმადლობთ უფალს, რომ ეს სარწმუნოება დღემდე გვაქვს და გვექნება კიდევ. ჯვარი გვწეროთ. ღმერთმა მოგცეთ მადლი და წყალობა. ღმერთმა ბედნიერი აღდგომა გაუთენოს მთელს საქართველოს. ამინ, — ბრძანა ქადაგებისას პატრიარქმა.

„თავს დასულად არ ვბრძნობთ“



„შპრანინაში რუსეთის მოქმედებების შემდეგ საქართველო თავს ნაკლებად დაცულად გრძნობს“ — ამ სათაურით სტატიას „როიტერი“ აქვეყნებს, რომელიც საქართველოს პრეზიდენტს გიორგი მარგველაშვილს ესაუბრა.

პრეზიდენტის თქმით, უკრაინაში რუსეთის ინტერვენციის შემდეგ საქართველო მისი უსაფრთხოების გამო უფრო შემოვიწროვდა, განსაკუთრებით მას შემდეგ, რაც უკრაინაში 6 წლის წინ რუსეთის ინტერვენცია განხორციელდა.

მარგველაშვილის განცხადებით, საქართველო გემგავს მოანეროს ხელი ასოცირების შეთანხმებას ივანისში, რათა განამტკიცოს კავშირები ევროკავშირთან, მიუხედავად იმისა, რომ იგივე შეთანხმების გაფორმების მცდელობამ უკრაინაში კრიზისი გააჩაღა.

„ჩვენ არ ვგრძნობთ საკუთარ თავს დაცულად, რადგანაც ზოგიერთი ძირითადი საშუალება, რითაც ქვეყნები ერთმანეთს უკავშირდებიან, კითხვის ნიშნის ქვეშ დადგა. საქართველო, რომელიც გახდა რუსეთის ძალიან მკაცრი საგარეო პოლიტიკის მსხვერპლი ექვსი წლის წინათ და რომელსაც ჯერ კიდევ ძალიან რთული ურთიერთობა აქვს რუსეთის რეგულაციასთან, ბუნებრივად, ძალიან შემოვიწროვდა უკრაინის პრევენციის გამო“, — აცხადებს მარგველაშვილი.

წინასაარჩევნო ლაფსუსები

დაბნობისმომქმედებელი ერთიანი ოპოზიციური ფრონტი ვერ შედგა. არასაპარლამენტო ოპოზიციამ თვითმმართველობის არჩევნებისთვის კოალიციის შექმნა ვერ მოახერხა. არადა, თავის დროზე ისინი იურვებოდნენ, რომ მათთვის პრიორიტეტი ბურჯანაძის ძალასთან გაერთიანება იქნებოდა. იმთავითვე გამოცხადების ივენი ლეიბორისტიები, რომლებიც ტრადიციულად არცერთ პოლიტიკურ ბლოკში გაერთიანებას არ აპირებდნენ.

ეუბნები პარტიას, რომ შენ უნდა გაუქმდე და ჩემთან მოდი, როგორც ფიზიკური პირი. ასეთმა დამოკიდებულებამ ეს ერთობა ჩაშალა. არასაპარლამენტო ოპოზიციის ძალისხმევას გაუერთიანებლობის მიზნის სწორედ საკუთარი პარტიული ინტერესების წინ დაგეგმვა იყო. ბუნებრივად, კონკურენტისას ეს სმები გადამანაწილებდა და ერთმანეთს სმებს წაართმევდა ეს ბლოკები, მაგრამ სმები არ წავა „ოცნებისა“ და ნაცემორაობისკენ. უბრალოდ, ვერ განსორციელდებულა ელექტორატის სინერგია. სიტყვაზე, თუ

წინააღმდეგო, მაგრამ ამ შემთხვევაში, გაერთიანებული ოპოზიციის თუ იქნებოდა, სჯობდა სწორედ ისეთი კანდიდატის დასახელება, რომლის უკანაც პარტიული სტრუქტურები არ იდგა და იგი სხვა პარტიული კოალიციის გამაერთიანებლად და შემაკავშირებლად წარმოჩნდებოდა. ამ ფაქტორიდან გამომდინარე, ოპოზიციისთვის კარგი კანდიდატურა იქნებოდა დიმიტრი ლორთქიფანიძე. თუმცა, მაინც არა მგონია, ეს ყოფილიყო გადამწყვეტი მიზეზი. ამ გაყოფით დაზარალდა არასაპარლამენტო ოპოზიციის

წარმოჩენა. ეს გაცილებით მეტ ხმას მოიტანდა. ასეთი გაერთიანებით კოალიცია შეძლებდა ერთიანობის შენარჩუნებას 2016 წლის საპარლამენტო არჩევნებში და ექნებოდა რეალური შანსი, ებრძოლათ არა ოპოზიციის ადგილისთვის, არამედ რეალურად ხელი-სუფლებისთვის. ასეთმა დაქსაქსვამ კი, შესაძლოა, ამომრჩეველთა 10% მაინც დააკარგვის არასაპარლამენტო ოპოზიციას.

„დემოკრატიული მოძრაობის“ გენერალური მდივანი ზაზა ვეკუა ჩვენთან საუბარში აცხადებს, რომ დღევანდელი რეიტინგებით და საპრეზიდენტო არჩევნებით და გამოდინარე, შეიქმნა რეალურად ერთიანი ოპოზიციის, რომელიც არა მარტო ადგილობრივ, არამედ საპარლამენტო არჩევნებშიც ერთიან კოალიციად იქნება. „ამდენიმე ატრიბუტია საჭირო იმისთვის, რომ ხელისუფლებაში მოხდეს, მათ შორის, ერთი მთავარი, რაც აქვთ „ქართულ ოცნებას“ და „ნაციონალურ მოძრაობას“, ეს გახლავთ კომისიების წევრები. საპარლამენტო არჩევნების დროს უკვე აღარ არის იმის ფუნქცია, შორიდან ვუყუროთ, როგორ ითვლის ეს ორი პარტია უზნებზე სმებს. ამიტომ სხვა პარტიებს შეთავაზოთ, ან რომელიმე ერთი პარტიის სახელით გავსულიყავით, ან შეგვექმნა ისეთი ბლოკი, რომელიც არჩევნების შემდეგ გაერთიანდებოდა. შეთავაზება ისიც იყო, რომ საერთოდ სულ სხვა ახალი პარტიის გარშეული სმე არ გაერთიანებულიყავით, რომ არ გვექონოდა ამბიციისა. შენაბამისად, დაფინანსებაც გაერთიანდებოდა, „ქართული ოცნების“ ერთ-ერთი პარტიის კომისიის წევრებს ამოვადგინოთ და გვეყოფილიყავით კომისიის წევრი. აქ მთავარი იყო, ერთ პარტიას პქონოდა ეს დაფინანსება, რადგან მასზე მიბმული იქნებოდა წევრი საარჩევნო კომისიისაში. ეს იყო ჩვენი ამოცანა. ჩვენ ვთქვით კიდევ, იმ პარტიებმა, რომლებიც თვითონ იღებენ გადაწყვეტილებას და არა სხვისი კარნახით, შეუძლებელია თქვენ ჩვენს შეთავაზებაზე უარი. ჩვენ გავაკეთეთ ერთიანი ოპოზიციისა, ჩვენს შემდეგ კი შეიქმნა ორი ბლოკი — დავითაია-ჯავახიძის და „მემარჯვენე“ კუკავასი. თქვენ ნახავთ, ამ არჩევნებზე ჩვენთან სმების გასაყოფი უკავასი და სხვები არაფერი ექნებათ“, — აცხადებს ზაზა ვეკუა.

არასაპარლამენტო ოპოზიციის გაერთიანება ბურჯანაძის გამო ჩიოვალა

ორივეს ერთად უნდა აეღო 30%, ახლა შეიძლება, აიღონ 15-15%, ან 13% და 17%“, — აღნიშნა მამუკა კაციტაძემ.



აქვე განმარტა, რომ არასაპარლამენტო ოპოზიციის მერობის კანდიდატი კახა კუკავა დღესაც მზადაა, პოლიტიკური პარტიების გაერთიანებისა და წინასაარჩევნო ბლოკის შექმნის სანაცვლოდ, მოხსნას საკუთარი კანდიდატურა თბილისის მერის პოსტზე. რატომაც ისინი დღემდე ელიან, რომ ჩამოყალიბდებიან ნირო ბურჯანაძე და სხვებიც, რათა შეიქმნას წინასაარჩევნო პოლიტიკური ბლოკი და შეჯერდნენ მერობის ერთიან კანდიდატზე. ამიტომაც არავისთვის დაუსწრიათ მერობის კანდიდატის დასახელება.

პოლიტოლოგი ვახტანგ ძაბირაძე განმარტავს, რომ რთულია იმ მიზეზებზე საუბარი, რატომ ვერ მოხერხდა ერთიანი ოპოზიციური ფრონტის შექმნა. „თუ ამის მიზეზი მერობის კანდიდატზე შეთანხმებლობა იყო, მაშინ ეს ძალზე ცუდი იქნებოდა. ვფიქრობ, დიმიტრი ლორთქიფანიძის სახით, საკმაოდ კარგი კანდიდატურაა შერჩეული. არაფერი მაქვს კახა კუკავას სა-

ორივე ნაწილი, როგორც ბურჯანაძე და მის ირგვლივ შეკრებილი კოალიცია, ისე „ახალი მემარჯვენეები“ და კუკავას პარტიის გაერთიანება. ბუნებრივად, ისინი ერთმანეთს სმებს გაუყოფენ და ძლიერი მესამე ოპოზიციური ცენტრის შექმნაც ოცნებად დარჩა. ეს საკმაოდ დიდი პოლიტიკური შეცდომაა პარლამენტს გარეთ არსებული ოპოზიციისთვის“, — აცხადებს ვახტანგ ძაბირაძე. ამასთან, მიიჩნევს, რომ ამომრჩეველის თვალში საჭირო იყო ძლიერი ერთიანობის



ხარბაშული, ლინა ბარათაშვილთან



ვანო ხარბაშვილის საიუზილეო საღამო

ჩვენთვის საყვარელი ადამიანის – ჟურნალისტი-სა და პოეტის მარინა თაქთუშანიძის საოჯახო ალბომში ლამაზ ფოტოებთან ერთად ლამაზი მოგონებებიც ინახება. გთავაზობთ საუბარს ქალბატონ მარინესთან:

— რომელია თქვენი ბავშვობის გამორჩეული ფოტო და რატომ?

— ბავშვობა დაკარგული განძია, რომელიც ყოველთვის, თითქმის ყოველდღე გახსენებს თავს და გაუ-საძლიის ტკივილებით გავსებს. ბავშვობა დედ-მამაა, ბებია-ბაბუა, სიყრმის მეგობრები... ბავშვობა ერთი ულამაზესი, დიდი, საუკეთესო ადამიანებით დასახლებული სამყაროა, რომელიც თვალსა და ხელს შუა გად-ნება. მერე კარგავ უახლოეს ადამიანებსაც და ამ და-ნაკარგვს ვერასოდეს ვერავინ და ვერაფერი გინაზღა-ურებს. ყველა ფოტო ძვირფასია, რაც ამ პერიოდთან არის დაკავშირებული. აი, მე, დედასთან და დასთან ერთად. დედაჩემი ცალკე თემაა თავისი სიკეთით და განუმეორებელი ურთიერთობებით სხვა ადამიანებ-თან, თავისი შემწყნარებლობით და ჩველი გულით...

— რა დაგამახსოვრდა სკოლის ცხოვრებიდან?

— ესეც ჩემი კლასი. საოცარი, ნიჭიერი ბავშვებით სავსე. აქ მხოლოდ გოგონები ვაპირებდით სურათის გადაღებას, მაგრამ, გიაც შემოგვიტყა. მე მარცხნი-დან პირველი ვარ ფეხზე მდგომებში. 112-ე სკოლა და-ვამთავრე 1973 წელს. ეს დრო საუკეთესოა ჩემს ცხოვ-რებაში. ასეთი მეგობრული კლასი, ალბათ, იშვიათი იყო. ჩემი თანაკლასელი იყო დღეს უკვე ცნობილი პო-ეტი ნუგზარ ბერაძე (ლილინო ცახური), რომელსაც, რა პარადოქსულადაც გინდა მოგეჩვენოთ, ლექსებს თითქმის არ უბეჭდავდნენ სიცოცხლეში. თუ სწორად მახსოვს მისი პირველი აღიარება, სწორედ თქვენს გა-ზეთში, გარდაცვალებამდე ცოტა ხნით ადრე მოხდა.

— თქვენ გაზეთ „ნორჩი ლენინელის“ — „ნერგის“ რედაქ-ტორი იყავით... გაზეთისა, რომელმაც არაერთი შემოქმე-დი ადამიანი გაზარდა, სიყვარული და სიკეთე დაანათლა შემოქმედების გზაზე...

— 1982 წლიდან გაზეთ „ნორჩი ლენინელის“ რედაქ-ციაში დავიწყე მუშაობა. ეს წლებიც საუკეთესოა ჩემ-თვის. არაჩვეულებრივი, უკეთილშობილესი ადამიანები დამხვდნენ რედაქციაში და უამრავი რამ ვისწავლე მათ-გან: სიკეთე, სიყვარული, საქმისადმი პროფესიონალური



ნათელა ფაილოქასთან და სიალა ხუციშვილთან ერთად

„მეზინ ყველას ერთმანეთი ბვიზარდა“...



თამარ ჩალაბაშვილთან ერთად

დამოკიდებულება. ხშირად ვიმეორებ და ახლაც იმა-ვეს ვიტყვი, — ძალიან გამომართლა ცხოვრებაში, რომ ასეთ ადამიანებს შეხვდი... ეს ფოტო ხარაგაულში გა-დავიღეთ. ლინა ბარათაშვილს მშობლიურმა რაიონმა შეხვედრა მოუწყო და ყველანი იქ ვართ. თამაშად შე-მიძლია ვთქვა, რომ ერთის სისხარული და წარმატება ყველას სისხარული იყო. ეს ფოტო განსაკუთრებით ძვირ-ფასი იმიტომაც არის, რომ აქ ყველანი ცოცხლები და ჯანმრთელები ვართ. ჯერ არ გვაკლია არც მზია კოჭ-ლავაშვილი, არც ნათელა მესხრიშვილი, არც ციალა ხუ-ციშვილის ქმარი საშა ხუციშვილი. დღეს ტკივილით დავყურებ ამ ფოტოს და ის დრო მენატრება... ესეც რე-დაქცია. ნათელა ფაილოძე, ციალა ხუციშვილი და მე. ნათელა ფაილოძის დამსახურება იყო ჩემი რედაქცი-აში გადაყვანა. სასუფეველი დაუშვიდროს უფალმა.

რედაქციაში 2000 წლიდან ამოქმედდა „სწავლულ ბავშვთა დარბაზი“, რომელმაც უამრავი ნიჭიერი ბავ-შვი გააერთიანა. ვაწყობდით შეხვედრებს ცნობილ ადამიანებთან. მახსოვს ბავშვებმა პოეტი ევა ბაქრაძე მოინვიეს შეხვედრაზე. ჩვენი დარბაზის პრეზიდენ-ტი ნიჭიერებით გამორჩეული ბავშვი ირაკლი გუნია იყო, რომელთანაც, როგორც უამრავ ალბრდილთან, დღესაც ძალიან ახლო ურთიერთობა მაქვს.

რედაქციაში (უკვე „ნერგი“) ჩვენი რედაქტორის ვანო ცერცვაძის 80 წლის იუბილე აღვნიშნეთ. ჩვენთან ერ-თად იყვნენ რედაქციის მეგობრები, საბავშვო მწერ-ლები: გივი ჭიჭინაძე, დოდო სიმშიაშვილი-ვადაჭკო-რია, ქეთევან ჭილაშვილი. შუაში ზის ვანო ცერცვაძე.

— გაისვენეთ პირველი შემოქმედებითი საღამო... თქვენ საქართველოს სხვადასხვა მხარეში მოგზაურობისას მრავალი საინტერესო მოგონების გახსენება შეგიძლიათ...

— ჩემი პირველი შემოქმედებითი საღამო მწერალ-თა კავშირში 2001 წელს გაიმართა. პირველი წიგნი „გაზაფხული უშენობით ცივი“ წარვეუდგინეთ საზო-გადოებას. უხერხულობის განცდა მქონდა, რომ ამ დი-დი, ბუმბერაზი ადამიანების ნაკვალევდამჩნეულ სახ-ლში ჩემი საღამო იმართებოდა. მაშინ ყველას ერთ-მანეთი გვიყვარდა.

მე და თემურ ჩალაბაშვილი ბარისახოში. ძალიან მიყ-ვარს ეს ფოტო. მეგობრების ჯგუფი წავედით ხევსურეთ-

ში, ერთი ბოჰემური საღამოს სურათია. ჩემი მთელი ცხოვ-რების მეგობარია თემური, ღმერთმა კარგად მიმიყოფოს!

— როგორ დაინერა ლექსი „ეთი ოსური“?

— ჩემს არქივში ერთი, მეტად ძვირფასი ფოტო ინა-ხება. ძვირფასი იმიტომ, რომ ეს სურათი მამისთვის ძალიან ძვირფასი იყო. დღეს გახმაურებული ლექსის „ეთი ოსურის“* ადრესატი ამ სურათზეა. დასასრულს ეს ლექსი „ეთი ოსური“ და სურათი შევთავაზოთ მკითხველს:

- იქვე ვთამაშობ...
- დედა და ბებია შეთქმულებივით ჩურჩულებენ...
- შიგადაშიგ თვალს შემავლებენ...
- შიშობენ, ყური არ მოგვკრა...
- „ეთი ოსური“ მაინც მესმის,
- ვიცი, ვისაც გულისხმობენ...
- „ეთი ოსური“ ლამაზი ქალია,
- ველმოდერებული დადის ჩვენს ქუჩაზე...
- „ეთი ოსური“ მამაჩემის თანაკლასელია...
- „ეთი ოსური“ დედას ეჯავრება, იმიტომ რომ მამას უყ-ვარს,
- „ეთი ოსური“ მეც ეჯავრება, იმიტომ, რომ დედას ეჯავრება.
- „ეთი ოსური“ ჩემს დასაც ეჯავრება, ჩემს ბებიასაც...
- მხოლოდ მამას უყვარს „ეთი ოსური“...
- მამას ერთი ფოტოსურათი ჩუმადა აქვს შენახული.
- იმ სურათს, დღეს, მე ვინახავ.
- მამა და „ეთი ოსური“ პატარები არიან ამ სურათზე...
- მათ ერთმანეთი ამ სურათში უკვე უყვართ...
- დედა და ბებია გვიმალავენ, მაგრამ მე და ჩემმა დამ ვიცით,
- ამ ქალს უბედურება მოაქვს ჩვენთვის...
- ჩვენ გავიზარდეთ...
- დედა მამას ატყუებს: — იცი? ის ქალი მოკვდა!
- მამის ცრემლები დღესაც გულს მიკუმშავს...
- იცი? ის კაცი მოკვდა, — სიმართლეს ვუბნებიან (ეთი ოსურს)...
- იმ ქალის ქვითინი დღემდე მატირებს...
- ალარც დედაა... ალარც მამა...
- ალარც სიძულვილი... ალარც ეჭვიანობა...
- დღესაც დადის ჩვენს ქუჩაზე ელამაზი ქალი...
- ალარ მძულს, მიყვარს...
- მამა უყვარდა, მამას — უყვარდა...
- მამას ვინც უყვარდა, ის მეც მიყვარს...
- ეს სიყვარული, მაპატიე, დედა!!!

* „ეთი ოსური“ — ის ქალი (მეგრულად) ესაუბრა თამარ შანიშვილასთან



„ეთი ოსურის“ ადრესატი.

კულტურა, რომელიც გვაერთიანებს და გვყოფს

ქვეყნის მოლაპარაკების 27-ე რაუნდის დასრულების შემდეგ ქართულ მედი-

აფხაზები ისტორიული ექსპონატების სოხუბო დაბრუნებას ითხოვენ



ბედის ბარძიმი

საქართველოს ბექდურმა მედიამ სენსაციური ცნობა შერიგებისა და სამოქალაქო თანასწორობის სა-

ლი ფასეულობები უნდა დაბრუნდეს. ახლა მათ ჩამოთვლას არ შევუდგებით, მაგრამ სათანადო დოკუმენტს აუცილებლად წარ-

პოლიტიკოსების მსგავსად, კულტურული მემკვიდრეობის დაცვისა და კუთვნილების საკითხი განსხვავებულად ესმით ქართველ და აფხაზ მეცნიერებსაც.

გიორგი ანაბაძე იმედოვნებს, რომ მხარეები პოლიტიკური კომპრომისის საფუძველზე შეძლებენ პოზიციების შეჯერებას: აფხაზეთში დაბრუნდება მნიშვნელოვანი ისტორიული ექ-

საკამათოა ის, თუ სად უნდა ინახებოდეს ექსპონატები. როცა იყო საბჭოთა საქართველო, ამ ექსპონატებს აგროვებდნენ თბილისში, ცენტრალურ მუზეუმებში, თუმცა, უკვე მაშინ იდგა მწვავე გადაცემის საკითხი...

როგორც აფხაზეთის თვითაღიარებული რესპუბლიკის საგარეო საქმეთა მინისტრის ვიჩესლავ ჩირიკბას კომენტარიდან ირკვევა, მხარეებს განსხვავებულად ესმით თანამშრომლობის პერსპექტივა და ასპექტიც. ვიჩესლავ ჩირიკბას თქმით, სოხუბოში ისედაც დაინტერესებულია მის ტერიტორიაზე მდებარე კულტურული მემკვიდრეობის ძეგლების დაცვით: „აფხაზეთის ტერიტორიაზე ბევრი უძველესი ძეგლია, რომელიც რესტავრაციას და მოვლას საჭიროებს, მაგალითად, მესამე საუკუნის ლისნის მონასტერი. ამიტომ წინააღმდეგი არ ვართ, რომ ჩამოვიდნენ საერთაშორისო ექსპერტები, რომლებიც შეაფასებენ ჩვენი ძეგლების მდგომარეობას და მოგვცემენ რეკომენდაციებს კონსერვირებას ან ვალიფიციურ რესტავრაციასთან დაკავშირებით. ლაპარაკია აფხაზურ ეკლესიებსა და მონასტრებზე“.

ვიჩესლავ ჩირიკბას თქმით, თვითაღიარებული რესპუბლიკის მთავრობის მთავარი საზრუნავი აფხაზეთიდან გატანილი სამუზეუმო და საარქივო ექსპონატების დაბრუნებაა: „აშკარაა, რომ ჩვენი კულტურული ფასეულობები უნდა დაბრუნდეს. ახლა მათ ჩამოთვლას არ შევუდგებით, მაგრამ სათანადო დოკუმენტს აუცილებლად წარვუდგინებ ჩვენი დისკუსიის მონაწილე მხარეებს. კულტურული მემკვიდრეობის ნაწილი გატანილი იქნა როგორც რუსეთის იმპერიის დროს, ასევე საბჭოთა კავშირის და მისი დაშლის შემდგომ პერიოდებში, ომის დროს. ასე რომ, სია ვრცელია. ესაა აფხაზური კულტურის ნაწილი და ის აუცილებლად უნდა დაბრუნდეს სამშობლოში“.

გიორგი ანაბაძე იმედოვნებს, რომ მხარეები პოლიტიკური კომპრომისის საფუძველზე შეძლებენ პოზიციების შეჯერებას: აფხაზეთში დაბრუნდება მნიშვნელოვანი ისტორიული ექსპონატების ნაწილი, ხოლო ქართველი მეცნიერები შეძლებენ აფხაზეთში მდებარე ძეგლების გამოკვლევას, ანუ ორივე მხარე მიიღწევს სანაღველს, რამაც, თავის მხრივ, შესაძლოა მკვდარი წერტილიდან დაძვრას მოლაპარაკების პროცესს.

ჯიშვირი რეხვიანთი, რაიონი „თავისუფლება“

ქართველ ჯალათებს

ჯალათებო, ლაფში ნუ სვრით ლამაზ ქართულ გვარ-სახელებს, თორემ მალე მოგა დრო და მოგეზღვებათ მისხლით, სადა პქონდათ დიდგორელებს, მარტყოფელებს, არაგველებს, ნაძირალა ქართველთათვის დასადგრელი სისხლი!

ვინც აგაკცების გვერდით დადგება, იმისგან კაცი აღარ დადგება.

გველი მხოლოდ კანს იცვლის

არ მწამს ზოგის სახეცვლის, ეს არც საკვირველია, გველი მხოლოდ კანს იცვლის, თორემ ისევე გველია.

მასწარადია, აბა რაა?

აგაკცების ყოფაქცევა ალარც მასკარადია, ხოლო საფლეს პაფლედ ქცევა უკვე მასწარადია.

ჩვენ გვასსოვს ნაცთა „მორალი“, ხალხი დაზაფრეს შიშითა, „არ გათურდების ყორანი, რაც უნდა ხესო ქვიშითა“.

როგორ მიყვარდა

როგორ მიყვარდა ყველა ქართველი, ყველას მოყვასად ვთვლიდი, თურმე რამდენი გვყავს გამყიდველი, არამზადა და ფლიდი.

ნეტავ ვიცოდე, როდესაც ბოლოს, განკითხვის ფაში მოგა, სად შეაფარებს თავს, რომელ სოროს, ნაძირალათა სროგა!

ლაშის

ლაშის არი, დაილიოს სულიერი მარაგი, ო, რამდენი სიბილწა, სიყვე და თალხი, აფსუს ჩემი საყვარელი დედა თბილის ქალაქი, აფსუს ჩემი ამაყი და თავმოწონე ხალხი!

ყველა სვდება, ჩვენ კი — არა, ნატოში რომ არ გვიდებენ. მე მგონია, კარს კი არა, ფანჯარასაც არ გვიდებენ.

იქელი

ეს გაუმარჯოს იმ ქართველს, იკურთხოს მისი სახელი, „ვისაც დღე და ღამ ნატურლობს ჩუმის ნატურითა ქართველი“. იქნება მართლაც ელირსოს ჩვენს ერს ნამდვილი აღდგომა, „იქნებ ელირსოს ლუსუმსა ლაშარის გორზე შადგომა!“

გურამ შახვახიძე, 10.04.14.



ალიან-ჩალიანი

ამომრჩეველთა საინიციატივო ჯგუფებისთვის რეგისტრაციის ვალდებულება

შესაბამისი ცვლილებებია „საარჩევნო კოდექსში“ დაგეგმილი ცვლილებების პროექტში დეპუტატ ზაქარია ქუცნაშვილის წინადადებით აისახა.

პარლამენტში წარდგენილი თავდაპირველი ვერსიით, ამომრჩეველთა საინიციატივო ჯგუფების რეგისტრაციის ვალდებულება 57 დღით ადრე იწარმოებოდა. იმ არგუმენტაციის გათვალისწინებით, რომ აღნიშნული ვადა ძალიან მცირეა, პროექტში ცვლილება შევიდა და ადგილობრივი თვითმმართველობის არჩევნებისთვის საინიციატივო ჯგუფების შესაძლებლობა ექნება დარეგისტრირდნენ არჩევნებამდე არაუგვიანეს 47 დღისა. ასევე ათი დღით გადაინაზმარდა მჭერთა სიების წარდგენის ვადა.

როგორც პარლამენტის პლენარულ სესიონზე დეპუტატმა თამარ კორძაიამ განმარტა, შემოთავაზებული კანონპროექტით საინიციატივო ჯგუფების რეგისტრაციის ვადა 19 აპრილს ეწარმოება, ახლა კი მათ ვადა 29 აპრილს ამოწურდება.

ქართული ღვინის ექსპორტმა 15 488 184 ბოთლი შეადგინა

ამის შესახებ ღვინის ეროვნული სააგენტოს თავმჯდომარე ლევან დავითაშვილი განაცხადა. მისი თქმით, ეს ციფრი 243%-ით მეტია წი-



ნა წლის შესაბამისი პერიოდის ანალოგიურ მაჩვენებელთან.

საექსპორტო ბაზრის პირველი ხუთეულია: რუსეთი, უკრაინა, ვაზახეთი, პოლონეთი და ლატვია. აქედან, ექსპორტის მთლიან მოცულობაში რუსეთი 71%-ით ლიდერობს. პირველი კვარტლის მდგომარეობით, ექსპორტირებულია 51 202 154 აშშ დოლარის პროდუქცია, რაც 290%-ით აღემატება 2013 წლის ანალოგიურ მაჩვენებელს.

ამასთან, პირველ კვარტალში 9 ქვეყანაში ბრენდის ექსპორტმა 3 940 202 ბოთლი შეადგინა. ბრენდის ექსპორტი თანხაში 14 486 685 აშშ დოლარია, რაც 113 %-ით აღემატება გასული წლის შესაბამისი პერიოდის მაჩვენებელს. ბრენდის ექსპორტიორ ქვეყნებს შორის უკრაინა ლიდერობს, სადაც ექსპორტმა პირველ კვარტალში 2 504 520 ბოთლი შეადგინა. მეორე ადგილს იკავებს რუსეთი, სადაც საანგარიშო პერიოდში 1 242 408 ბოთლი ბრენდია ექსპორტირებული.

საქართველო ღვინის ექსპორტის მსოფლიო ჯგუფის თავმჯდომარე

ამის შესახებ გულმეცხარე პრესკონფერენციაზე ღვინის ეროვნული სააგენტოს თავმჯდომარე ლევან დავითაშვილი განაცხადა.

მისი თქმით, თავმჯდომარეობის აშშ-დან საქართველოზე გადმობარების ცერემონიალი ბელგიის დედაქალაქ ბრიუსელში ჩატარებულ WWITG-ს ყოველწლიურ შუასაბსესიო შეხვედრაზე გაიმართა.

ღვინით ვაჭრობის მსოფლიო ჯგუფი სახელმწიფოთა არაფორმალური გაერთიანებაა, რომლის მიზანი ორგანიზაციის წევრ ქვეყნებს შორის ღვინით ვაჭრობის გამართვაა. WWITG-ს წევრები არიან — აშშ, კანადა, არგენტინა, ჩილე, სამხრეთ აფრიკა, ავსტრალია, ახალი ზელანდია და საქართველო.

საქართველო ღვინით ვაჭრობის მსოფლიო ჯგუფის თავმჯდომარე ქვეყანა წლის განმავლობაში, 2015 წლის 1 აპრილის ჩათვლით იქნება.

WWITG-ს მორიგი პლენარული შეხვედრა 2014 წლის 25-27 აგვისტოს, თბილისში გაიმართება, რომელშიც მონაწილეობას მიიღებენ კანდიდატი ქვეყნები და დამკვირვებლები. როგორც ლევან დავითაშვილი აღნიშნა, ამ შეხვედრაზე საქართველო მოლოდინს წარადგენს და წევრობაზე რეკომენდაციას გაუწევს.

ვპროლივა

ჰიკმანის სუპერმატჩი მილანში



საბარტმეილს საკალატურთო ნაკრების წევრ რიკი ჰიკმანის ბრწყინვალე თამაშის წყალობით თელ-ავივის „მაკაბიმ“ მილანში „ემპორიო არმანის“ სუპერმატჩი „შემოუტრიალა“ და ევროლიგის პლეი ოფის პირველ მატჩში 101:99 იმარჯვა.

იტალიური გუნდი, რომელიც „ოთხთა ფინალში“ გასვლის შემთხვევაში მინი-ტურნირის მასპინძელი იქნება, თითქმის მთელი შეხვედრის განმავლობაში

ლიდერობდა. მილანელები დასკვნით მეოთხედს 12-ქულიანი უპირატესობით შეხვდნენ და იგივე სხვაობა იყო, როდესაც საფინალო სირენამდე 2 წუთი რჩებოდა. ამ დროში აღნიშნული ჩამორჩენის აღმოფხვრა თითქმის წარმოუდგენელი ჩანდა, თუმცა...

სსენებულ ორიოდ წუთში რიკი ჰიკმანმა 6 ქულა ჩააგდო, რასაც მაკაბელთა კიდევ ერთმა ამერიკელმა კალატურთელმა ტაირის რაისმა 9 წააბატა, „ემპორიო

არმანი“ კი მხოლოდ 3 ქულა მიიღო და თამაში ოვერტაიმში გადავიდა.

საინტერესოა, რომ ჰიკმანს და რაისს ტემპი არც ოვერტაიმში დაუგდიათ და თელ-ავიველთა 14 ქულიდან 12 საკუთარ ანგარიშზე ჩაინერეს, უფრო მეტად კი საქართველოს ნაკრების უკანასაზღვლო გამოიჩინა. რიკიმ დამატებით სუთნუთულში 8 ქულა მიითვა, ამასთან, უკანასკნელ 30 წამში 6-ვე საჯარიმო ტყორცნა გამოიყენა და სტუმრებს უმნიშვნელოვანესი გამარჯვება მოუტანა.

საბოლოოდ, ჰიკმანმა მოედანზე გატარებულ 32 წუთში (სტუმართა რიგებში ყველაზე მეტხანს ითამაშა) 26 ქულა, 4 მოხსნა, 3 პასი და 1 ჩაჭრა მიითვა. რიკიმ 7-დან 4 ორქულიანი, 3-ვე სამქულიანი და 9-ვე საჯარიმო ჩააგდო, ბურთი 2-ჯერ დაკარგა, 3-ჯერ დაჯარიმდა, მის წინააღმდეგ კი თამაშის წესები ერთბაშად 10-ჯერ დაირღვა.

შედეგად, ჰიკმანის სარგებლობის კოეფიციენტმა 36-ს უწია და რადგანაც ეს პლეი ოფის პირველი ტურის შეხვედრებში საუკეთესო მაჩვენებელია, მას უძვირფასესი მოთამაშის (MVP) ტიტული თითქმის გარანტირებული აქვს.

კობა კობახიძე

ალამიანი ღროვი

მართლაც საამაყო



თამაზ ჯაში ის კაცია, ვისაც წონიანი სიტყვა ეთქმის სპორტულ სამყაროში.

საქართველოს ფეხბურთის ფედერაციის დამფუძნებელი ყრილობის დედეგატის კარიერას გვირგვინად უმაღლეს სასწავლებელთა საკავშირო პირველობაზე მოპოვებული ვერცხლის მედალი ადგას, თუმცა რესპუბლიკის პირველობის

საქართველოს სახელმწიფო ფიზიკური კულტურის ინსტიტუტთან არსებული მწვრთნელთა სკოლისა და ამავე უმაღლესი სასწავლებლის კურსდამთავრებულზე როცა ვსაუბრობთ, განსაკუთრებული პატივი უნდა მივაგოთ მის მიერ რკინიგზელთა დამრიგებლად გატარებულ ნაყოფიერ წლებს, რომელმაც მოიცვა „ლოკომოტივის“ ბავშვთა და მოზარდთა სკოლის მწვრთნელობა, უფროსი მწვრთნელობა, დირექტორობა და ბოლოს, დამოუკიდებელი ქართული ფეხბურთის გარიჟრაჟზე – პირველი ეროვნული ჩემპიონატის ლირსეული მონაწილის, სასახლეო ტრადიციებით მადლცხებული დედაქალაქის „ლოკომოტივის“ თავკაცობა.

ალბათ, ბევრი კოლეგა ინატრებდა ასოცირებული პროფესორის, საქართველოს დამსახურებული მწვრთნელისა და სპორტის დამსახურებული მოღვაწის პედაგოგიურ მონაგარს. ამ შთამბეჭდავ ნუსხას სხვადასხვა რეფერირებული და სპორტული გაზეთების ფურცლებზე გამოქვეყნებულ სამეცნიერო და სპორტული ხასიათის

კალატურთი

ნბა-ში კლეი ოფის წყვილები გაირკვა

ერთმანეთს საკალატურთო ასოციაციის (NBA) რეგულარული სეზონის დასრულების შემდეგ პლეი ოფის ყველა წყვილის შემადგენლობა გასდა ცნობილი. პლეი ოფის თამაშები სტარტზე 19 აპრილიდან აიღებს, საქიროების შემთხვევაში კი ბოლო შეხვედრები 4 მაისს ჩატარდება. შეგახსენებთ, რომ სერია ოთხ მოგებადღე გაგრძელდება.



- „ინდიანა“ (1) – „ატლანტა“ (8).
- „მაიამი“ (2) – „შარლოტი“ (7).
- „ტორონტო“ (3) – „ბრუკლინი“ (6).
- „ჩიკაგო“ (4) – „ვაშინგტონი“ (5).
- დასაველეთ კონფერენცია
- „სან ანტონიო“ (1) – „დალაიზი“ (8).
- „ოკლაჰომა სიტი“ (2) – „მემფისი“ (7).
- „კლიპერსი“ (3) – „გოლდენ სტეიტი“ (6).
- „პიუსტონი“ (4) – „პორტლენდი“ (5).

ვიტალი ჯაფარიძე

ფასუხური

მეზვიდე და სამართალი!

ისპანეთის „სამეფო თასის“ გათამაშების ფინალს მეტწილად უმასპინძლა ვალენსიის „მესტალიას“ სტადიონმა. აღსანიშნავია ისიც, რომ მოსისხლე მტრების – „ბარსელონასა“ და „რეალის“ სატიტულო

ბრძოლა მეზვიდედ გაიმართა და აქამდე არსებული თანაფარდობა – 3:3 კასტილიელთა სასარგებლოდ დაირღვა – კარლო ანჩელოტის გუნდმა ტრავმირებული კრიშტიანო რონალდუს გარეშეც მოიგო მატჩი 2:1 და ისტორიაში მე-19-ედ აღმართა პრესტიჟული ჯილდო, რითაც „ბილბაოს“ დაენია. სათასო რბოლაში ლიდერობას კატალონიელები ინარჩუნებენ 23 ტრიუმფით.

და ბოლოს, ციფრების ენით საუბრის შემდეგი ფაქტით დავასრულებთ: აღნიშნული გამარჯვებით „სამეფო კლუბმა“ კიდევ უფრო გაზარდა უპირატესობა „ელ კლასიკოსების“ განმავლობაში – 91:88. განსაკუთრებულად უნდა დაფასდეს დედაქალაქელთა უელსელი „რაკეტის“ გარეთ ბელის წვლილი პარტნიორთა წარმატებაში, მის მიერ უზადო ინდივიდუალური ოსტატობით გატანილი გადამწყვეტი ბურთი კი, დაგვეთანხმებით, სეზონის საუკეთესო გოლის ნომინაციოაზე განაცხადებს პრეტენზიას.

გიორგი შოთაძე



კიევის „დინამო“: გლოხინის ნასვლად - რეზროვი

ღებმდარული ოლეგ ბლოხინი კიევის „დინამოს“ მთავარი მწვრთნელი აღარაა. კლუბის ხელმძღვანელობამ მის მიერ ნაჩვენებ შედეგები არადაამკმაყოფილებლად მიიჩნია და პოსტიდან გაათავისუფლა. კიეველებმა უკრაინის პრემიერლიგის პრინციპული მატჩი წააგეს შინ „შახტართან“ – 0:2 და მესამე ადგილზე არიან.

„დინამოს“ პრეზიდენტმა იგორ სურკისმა მწვრთნელად სერგეი რეზროვი დანიშნა, რომელიც სეზონის ბოლომდე უხელმძღვანელებს გუნდს. თუმცა, არაა გამორიცხული, რეზროვი შემდეგაც დატოვონ პოსტზე, თუ სურკისს მისი მუშაობა მოეწონება.

რეზროვი, გეცოდინებათ, კიევის „დინამოს“ ბომბარდირი გახლდათ და ბრწყინვალე დუეტს ქმნიდა ანდრეი შევეჩენკოსთან ერთად.



როსტომ რაჭველიშვილი

ვულოცავთ!

გაღლოვა სიკეთისთვის

ძართული სპორტის გულშემატკივრებს კარგად ახსოვთ უნიჭიერესი სპორტსმენის, მხატვრული ტანვარჯიშის შესანიშნავი წარმომადგენლის ნელი სალაძის წარმატებები საკავშირო თუ საერთაშორისო სარბიელზე. თავის ცოდნას და გამოცდილებას, სპორტის ამ ულამაზესი სახეობის სიყვარულს ქალბატონი ნელი დღეს ახალგაზრდა თაობას გადასცემს. უდავოდ საამაყოა, რომ საქართველოს მხატვრული ტანვარჯიშის აკადემიის ხელმძღვანელი ლონდონში ჩატარებულ მსოფლიო ჩემპიონატზე საუკეთესო მწვრთნელად აღიარეს და საერთაშორისო ორგანიზაციებმა რეიტინგებში ქალბატონი ნელი სალაძე გასული საუკუნის ერთ-ერთ საუკეთესო მწვრთნელად დაასახლეს.



ნელი სალაძე გასული საუკუნის ერთ-ერთ საუკეთესო მწვრთნელად დაასახლეს.

ძალიან ბევრი რამ შეიძლება დაინეროს ქალბატონი ნელი სალაძის მიღწევებზე, მის მიერ აღზრდილ ჩემპიონებზე. ცალკე განსაკუთრებით უნდა აღინიშნოს აგრეთვე მისი კეთილშობილება, ქველმოქმედება და ჰუმანურობა.

ოცოლოგიური დავადებების მქონე ადამიანების მიმართ ქალბატონი ნელის მიერ განუვლი დახმარებები განუზომელია. ისევე, როგორც ის გულისხმიერება, რასაც იჩენს გასაჭირში მყოფი ყველა ადამიანის მიმართ. დიასახ, უდავოდ დასაფასებელი და სამაგალითოა მის მიერ დათესილი ყველა სიკეთე.

ვულოცავთ ქრისტეს ბრწყინვალე აღდგომის დღესასწაულს ქალბატონი ნელი სალაძის, მის დიდ ოჯახს, აღსაზრდელებს. დაე, უფალი ფარავდეს ამ კეთილშობილ ქალბატონს და მუდამ ჰქონდეს ძალა კეთილი საქმეების საკეთებლად, რაც მას უხვად აქვს ჩაფიქრებული.

გიი ბაზარიძე

ჰოზიცია

იქნებ ჯერ ხალხის აზრი ეკითხათ...

ძმინის საგარეო პოლიტიკის ვექტორის მიმართულების გამო ატენილმა პოლიტიკურმა დაპირისპირებამ, რომლის გამოხატვის პიკი კიევში ევრომილიდან განვითარებული მოვლენები გახდა, ყველას თავდასხვით დაგვანახავა, რომ სხვადასხვა პოლიტიკურ ინტერესთა დაპირისპირების ასპარეზად ნებისმიერი ქვეყანა შეიძლება იქცეს.

ლური გადასახადები, პირველი მოთხოვნებისა და კვების პროდუქტებზე დაბალი ფასები, ათასგვარი პროფკავშირული შეღავათები.



შირის ბაზრის სტანდარტებს დააკმაყოფილებს და ღირსეულ კონკურენციას გაუწევს იქ უკვე წლების მანძილზე დამკვიდრებულ საქონელს? „ბორჯომი“ რომ „ბორჯომია“, რომლითაც ასე მოგვაქვს თავი, ისიც კი არ შეესაბამება შესაბამის ევროსტანდარტს სპეციფიკური, ქიმიურ-მინერალური შემადგენლობის გამო! სხვებზე რაღა გვეთქმის?! ლაპარაკი საზღვარგარეთ წელიწადში თუნდაც მილიონ, გნებავთ, ორ და სამ მილიონ გაყიდულ ბოთლ ღვინოზე ხომ სასაცილოც არ არის...

ნი პროდუქცია ევროსტანდარტების შესაბამის კონდიციონში მივიღებთ? ამის თაობაზე რატომ არავინ არ ლაპარაკობს? იქნებ ვინმემ განგვიმარტოს, სად არის ის ფინანსები, რომელიც საქართველოს ეკონომიკის კვლავ აღჭურვას სჭირდება? რეალურად კი ისეთი სურათი იკვეთება, რომ, პირიქით, საქართველო ხდება ევროკავშირისთვის თავისი საქონლის გასაღების დამატებითი ბაზარი, ადგილობრივი მწარმოებელი კი საკუთარ წარმოებაშიც შეიზღუდება, რადგან მათი პროდუქცია უკვე ქვეყანაში დაშვებული სტანდარტების შესაბამისი აღარ იქნება!

ყოველივე ზემოთქმულიდან და კიდევ ბევრი სხვა გარემოებიდან გამომდინარე, ვფიქრობ, რომ საკითხზე გვირგვინი თუ არა ევროკავშირის წევრობა – საქართველოში სულ მცირე პლებისციტი მაინც უნდა ჩატარებულიყო, რათა არჩევანი ხალხს გაეკეთებინა და არა ცალკე აღებულ გარკვეულ პოლიტიკურ ძალებს. მოსახლეობას უფლება აქვს, კონკრეტულად იცოდეს, რა პლუსები და მინუსები აქვს ევროკავშირში გაწევრებას, რა კეთილდღეობა, ან, პირიქით, რა პრობლემები ელის მას ევროპაში.

ბევრმა ჩემი პოზიცია შესაძლოა არ გაიზიაროს, ეს, ცხადია, მათი ნებაა, მაგრამ, რაც ვილაპარაკე, ვფიქრობ, ობიექტური რეალობაა, საკუთარი დასკვნების გამოტანა კი ნებისმიერი მოქალაქის უფლებაა.

ამდენად, ისმება კითხვა: ვინ მოგცემს იმდენ ფულს, რომ ჩვე-

ოთარ ტურაბაილიძე

მაგრამ საქართველოს ყველა მოქალაქე არის ამავე აზრის? მაგალითად, საქართველოს პარლამენტის ყოფილი წევრი დანიელ შიშინაძე? – მოსახლეობის სადღეისო მდგომარეობა, მისი უმძიმესი სოციალური, საყოფაცხოვრებო, მატერიალური მდგომარეობა ყველამ კარგად ვიცით, – ამბობს ბატონი დავითი. – ეს, უწინარესად, მოსახლეობის დაუსაქმებლობით, დაბალი ხელფასებით, მაღალი კომუნალური გადასახადებით, ჯანდაცვისა და სამკურნალო საშუალებების სიძვირით, კიდევ მრავალი სხვა სოციალური თუ ყოფილი პრობლემითაა განპირობებული. მართალია, ყოფილი საბჭოთა კავშირის პირობებში მოსამსახურეთა ხელფასები დიდი არ იყო, სამაგიეროდ, ეს ხარვეზი მეტად მძლავრი სოციალური პაკეტით ნაზღაურდებოდა. ამ თეზისის სამართლიანობაში თუნდაც მისი მიმართულებების უბრალო ჩამონათვალზე დაგვარწმუნებს: ეს იყო უფასო სამედიცინო მომსახურება, საშუალო და უმაღლესი განათლება, დაბალი კომუნა-

რეკლამა გ. ახვლედიანის ქ. „საქართველოს რესპუბლიკაში“ 299-62-77; 568 82-09-84.

ჩვენი კარაბადინი

იოგაში კალაა ონკოლოგიაში აღიარებენ იოგისა და მედიტაციის სარგებლობას ავადმყოფებისთვის დასხვების შემდეგ და გუთავაზობენ ჩაერთოთ იოგის, მედიტაციისა და რელაქსაციის პროგრამები თერაპიის ოფიციალურ კურსში. გამოკვლევაში 200 პაციენტი ქალბატონი მონაწილეობდა – ყველა მათგანს შქონდა მკერდის კიბო სხვადასხვა სტადიაში. მათგან ერთი მესამედი ასრულებდა ვარჯიშებს ჰატხა-იოგას მედიტაციის ელემენტებით, ერთი მესამედი – ჩვეულებრივ ვარჯიშებს აჭიმვებსა და სახსრების გამაგრებაზე, და კიდევ ერთი მესამედი – არ ასრულებდა არანაირ ვარჯიშებს.



ქალები, რომლებიც რეგულარულად ასრულებდნენ იოგას, განიცდიდნენ უფრო ნაკლებ სტრესსა და დაღლილობას დაკვირვების რამდენიმე თვის განმავლობაში, ვიდრე დანარჩენი ჯგუფების წარმომადგენლები. უფრო მეტიც, ისინი სხვებზე უფრო ხშირად ფსიქოლოგიურ კონსულტაციებზე საუბრობდნენ იმის შესახებ, რომ კიბოს მკურნალობის პერიოდი დაეხმარა მათ გავლათ რაღაც ახალი რამ ცხოვრების ღირებულებასა და არსის შესახებ.

ჩვენი ჯანმრთელობისთვის შურძნის წითელი ღვინო სასარგებლოა მათთვის, ვინც ნაკლებად მოძრაობს, მიაჩნიათ ამერიკელ მეცნიერებს. მათ ცდებიან თავგებზე მოაწყვეს: ერთი ჯგუფი პატარა გალიებში მოათავსეს, მეორე – ჩვეულებრივში. პირველი ჯგუფის თავები იტანჯებოდნენ პიპოდინამისგან, მათ არ ჰქონდათ საშუალება ემოძრაოთ ნორმალურად, მაგრამ ამ დროს ლებულობდნენ ბუნებრივ ფიტოალექსინს, რომელსაც წითელი ღვინო შეიცავს. ჯანმრთელი თავების მდგომარეობა პირველი ჯგუფიდან მთლიანად აღმოჩნდა უკეთესი, ვიდრე იმ თავებისა, რომლებიც ცხოვრების ჩვეულებრივი წესით ცხოვრობდნენ. მეცნიერები ამბობენ, რომ ერთი ჭიქა წითელი ღვინის მოხმარება დღეში სავსებით გამართლებული იქნება ცხოვრებისეული ტონუსის შესანარჩუნებლად, თუმცა, არ გვირჩევენ გადაავაჭარბოთ ამ დოზას.




ნაღვი მწაველის სასლუი თამბაქოს კვამლის ნაერთებს, რომლებიც მოწვევის შემდეგ ეფინება კედლებს, ავეჯს და ქსოვილებს, შეუძლიათ წარმოქმნან კიბო – ასეთ დასკვნამდე მივიდნენ ამერიკელი მეცნიერები ბერკლიში ლოურენსის ეროვნული აკადემიიდან. მოწვევის დროს ჰაერში 4000-ზე მეტი ნივთიერება გამოიყოფა, და მათი დიდი ნაწილი რჩება ავეჯზე, ჰაერთან ერთად არ გამოდის ოთახიდან. ყველა ეს ნივთიერება არა მხოლოდ ტოქსიკურია, არამედ მათ აქვთ კანცეროგენული თვისებები. ეს სახიფათო ნივთიერებები ყველაზე მეტ გავლენას პატარა ბავშვებზე ახდენენ, ისინი ხომ ყველაზე მგრძობიარენი არიან გარემოებების არახელსაყრელი პირობებისადმი. მეცნიერებს მიაჩნიათ, რომ ამ გამოკვლევამ უნდა გამოიწვიოს მოწვევის აკრძალვა ნებისმიერ სათავსოში.

ზურაბ ლომიძე ოჯახით იუნყება, რომ გარდაიცვალა საქართველოს სახალხო არტისტი, თბილისის ზაქარია ფალიაშვილის სახელობის ოპერისა და ბალეტის სახელმწიფო თეატრის სამხატვრო კოლეგიის ყოფილი თავმჯდომარე გურამ მელიძე და თანაუგრძობს განსვენებულის ოჯახს. საქართველოს აგრარული უნივერსიტეტის ყოფილი ზოოსა-ინჟინრო ფაკულტეტის პროფესორ-მასწავლებლები ღრმა მწუხარებით იუნყებიან, რომ გარდაიცვალა ამავე ფაკულტეტის ყოფილი დეკანი 1976-1991 წლებში, ღვანლმოსილი მეცნიერი და პედაგოგი, ახალგაზრდების აღმზრდელი, ქომაგი და მრჩეველი, ღირსების ორდენის კავალერი პარლან პეტრეს ძე ლომუხანიძე და სამძიმარს უცხადებენ განსვენებულის ოჯახს და ახლობლებს. თინა, ნუგზარ იზორიები, ჩიტო, ჯემალ კვიციანი, ოთარ ჭითანაია, ბონდო ჯიქია, ზურაბ გოგონია, გივი სოსელია, იური გუგუჩია, ვაჟა ფიფია თანაუგრძობენ ქალბატონ როზა ჯიქიას მემულის გურთაზ იაშვილის გარდაცვალების გამო.

ინფორმაცია მოქალაქეებმა სხსლსსროლი იარაღი და სბრძოლო მასალა ჩააბარეს რომორც „ინტერპრესნიუსს“ შინაგან საქმეთა სამინისტროდან აცნობეს, სამცხე-ჯავახეთის სამხარეო მთავარი სამმართველოს ახალქალაქის რაიონულ სამმართველოში სოფელ დილისკაში მცხოვრებმა, 1968 წელს დაბადებულმა სურკი მ-მ, სოფელ ოკამში მცხოვრებმა, 1975 წელს დაბადებულმა მერაბ ნ-მ და სოფელ ორჯაში მცხოვრებმა, 1985 წელს დაბადებულმა გაგიკ მ-მ წარმოადგინეს და ნებაყოფლობით ჩააბარეს: გადაჭრილი სანადირო თოფი, „ეფ-1“-ის ტიპის 2 ხელყუმბარა, „ერ-გე-42“-ის ტიპის 1 ხელყუმბარა, ხელყუმბარის 3 დეტონატორი, ავტომატური ცეცხლსასროლი იარაღის სხვადასხვა კალიბრის 18 საბრძოლო ვაზნა, „ტე-ტე“-ს სისტემის 1 ცეცხლსასროლი იარაღი 2 მჭიდით და 5 საბრძოლო ვაზნით, 400 გრ ფეტქებადი ნივთიერება ტროტილი, „ა-კა-ეს“-ის სისტემის 1 ავტომატური ცეცხლსასროლი იარაღი 1 მჭიდითა და 60 საბრძოლო ვაზნით. გამოძიება ცეცხლსასროლი იარაღის და საბრძოლო მასალის მართლსაწინააღმდეგო შექმნა-შენახვის ფაქტზე მიმდინარეობს (საქართველოს სსკ-ის 236-ე მუხლის 1-ლი ნაწილით). ინტერპრესნიუსი

განახალი დღეების მიხედვით

18 აპრილი (დიდი პარასკევი)



ამ დღეს იესო სასამართლოს გადასცეს, აწამეს, ჯვარს აცვეს და მოკლეს. საეკლესიო წესდება გვიჩვენებს შევიკავოთ თავი საკვებისგან.

19 აპრილი (დიდი შაბათი)

ამ დღეს ეკლესია იხსენებს იესო ქრისტეს დაკრძალვას და მისი სულის ჩასვლას ჯოჯოხეთში იქ ტანჯულ ცოდვილთა გადასარჩენად. მთელი დღე ტაძრებში მიმდინარეობს სააღდგომო საჭმლის კურთხევა - კულიჩის, კვერცხის,



პასკის. შუალამისას ეწვობა საზეიმო სააღდგომო სველა ტაძრის გარშემო. ეკლესია გვთავაზობს ხმელა პურის ჭამას, მშრალზე გადასვლას.

ღვთისმეტყველები

ბრწყინვალე აღდგომა იესო ქრისტისი

20 აპრილს საქართველოს მართლმადიდებელი სამოციქულო ეკლესია დღესასწაულოებს ქართველ ერთან ერთად იესო ქრისტეს ბრწყინვალე აღდგომას.

...დიდ შაბათს, ნაშუალამევეს ქრისტეს საფლავის მცველებმა მოულოდნელად იგრძნეს, რომ მიწა იძვრა და იმ წამსვე დაინახეს ანგელოზი თეთრად ელვარე სამოსელით, რომელმაც საფლავის კარებიდან დიდი ლოდი გადააგორა და იქვე ჩამოვდა.

ქრისტე აღსდგა

ეს საოცარი სიტყვები ანგელოზის მიერ პირველად მენელსაცხებულ დედებს ეხარათ, დედებმა მსწრაფლ აუწყეს მოციქულებს, მოციქულებმა - თავიანთ სამწყსოებს და აი, უკვე მრავალი საუკუნეა, მილიონობით ადამიანი ხმობს:

ქრისტე აღსდგა ჭეშმარიტად აღსდგა! მაინც რას ნიშნავს უდიდესი საიდუმლოებით მოცული ეს სასწაული, ანუ რა არის მიზეზი ჩვენი ასეთი ბედნიერებისა?

ცნობილია, რომ სამყაროს აქვს მხოლოდ ერთი სანყისი - ყოვლადძლიერი, ყოვლადკეთილი, ყოვლადბრძენი, ყოვლისშემოქმედი ღმერთი - ყოვლადწმიდა სამება, რომელიც ყველგან არის და ყოველთვის ალავსებს მადლითა თვისითა. იგი თავისი მარადიული ნეტარების წიაღისკენ იზიდავს მთელ სამყაროს და ყოველივე ქმულს, რომელიც, თავის მხრივ, მიისწრაფვის მისკენ და აღიღებს მას.

„ანგელოზი ღაღადებს, მიმადლებული წმინდა ქალწული გიხაროდნ და კვალად გიხაროდნ, ძეი შენი აღსდგა მესამესა დღესა საფლავით და მკვდარნი აღადგი-

ნა, ერნო გიხაროდნ ქრისტე აღსდგა!“

...პირდაპირ მინიშნებას იმის შესახებ, რომ მიმადლებულმა მარიამმა თავისი ძე და უფალი მკვდრე თით აღდგომის შემდეგ იხილა - სახარებაში ვერსად შეხვდებით. მაგრამ წმინდა მამათა ნაწერები და საეკლესიო საგალობლები ამონშებენ, რომ სხვა მორწმუნეებზე უწინ ნახა იგი და გაიხარა აღდგომით მისმა ყოვლადწმიდა დედამ. „აღდგომილი მესამესა დღესა საფლავით იხილე რა ძე და ღმერთი შენი, იხარებდი მოციქულთა თანა ღვთისმშობელსა მონადო!“

საეკლესიო გადმოცემა მონიშნავს, რომ იესო ქრისტე მკვდრე თით აღდგომის შემდეგ, უწინარეს ყოვლისა ყოვლადწმიდა დედას მოეველინა. გადმოცემითვე გვაგონობს, რომ საფლავად დადების შემდეგ ღვთისმშობელმა მთელი შაბათი და შაბათის წინა დღე საფლავის სიახლოვეს გაატარა, ის არიმათიელის სახლში იმყოფებოდა. აქ აღდგომის შემდეგ მაცხოვარი ყველაზე უწინ ღვთისმშობელს გამოეცხადა.

აღდგომილი მაცხოვარი პირველად იხილა და იცნო ღვთისმშობელმა და იგი მისი მოციქულების მოციქული გახდა. ის პირველად ჩასწვდა აღსრულებული მოვლენების მთელ დიდებულებას: დიდი მინისძვრა, საფლავთა გახსნა, მზის დაბნელება, მცველების მოკვდინება, ქვის გადაგორება, საფლავის დაცარიელება, ანგელოზის ხარება - ყველაფერი ეს იყო



აღსრულება მისი რწმენისა და მოლოდინისა, რომ მკვდრეთით აღდგომილ ძესა და ღმერთს იხილავდა.

...სახარებაში ნათქვამია, რომ, როდესაც იოსებმა ნიკოდიმოსთან ერთად მისი გვამი საფლავში დადო და შესასვლელი ქვით დაფარა, იქ იმყოფებოდა მარიამ მაგდალინელი და სხვა მარიამი (მათე - 27,61). წმიდა მამათა განმარტებით, სახარებელი „სხვა მარიამში“ ყოვლადწმიდა ქალწულ მარიამს გულისხმობს. „აღდგომისა მხილველი ძისა და ღვთისა შენისა მოციქულთა თანახარებდ ღვთისმამადღებულო!“

P. S. 20 აპრილს დაბადებულ ყველა ადამიანს ვულოცავთ დღეგანდობლად!

ინფორმაცია

აუსხება ე.წ. სპარტაქლეძე-სეფეა პირი ქართველი ბაბილონურულს

სოფელ ხურჩის მკვიდრი ტარიელ ბერია მ აბრილს სოფელ ხურჩასთან დააკავეს. მას ე.წ. საზღვრის უკანონო გადაკვეთა ბრალდებოდა. ოჯახის წევრების თქმით, მათ ჯარიმის გადასახდელი თანხა ნათესავებმა შეუგროვეს. 10 000 რუსული რუბლის გადახდის შემდეგ ტარიელ ბერია საკუთარ საცხოვრებელ სახლში გუშინ დილით დაბრუნდა.


მთელი კვირის განმავლობაში აღდგომის ბრწყინვალე დღესასწაულია. ეს დღესასწაული გრძელდება კვირაცხოვლობის ჩათვლით. ჩვენ ვადიდებთ მკვდრეთით აღმდგარ უფალს, სადღესასწაულო განწყობა! ქრისტე აღსდგა! ჭეშმარიტად აღსდგა! ...ტრადიციისამებრ, ბრწყინვალე შვიდეულის შაბათს ყოვლადწმიდა ღვთისმშობლის შობის სახელზე აგებულ ტაძარში იღვთისასწაულება დიდუბოდა. ორშაბათს არის საფლავთა კურთხევა. ბრწყინვალე შვიდეულის სამშაბათს, ივერიის ყოვლადწმინდა ღვთისმშობლის ხატის დღეს ვდღესასწაულობთ. სამშაბათსვე აღინიშნება იმ 6000 მონამეთა ხსენების დღე, რომელთა ბივ გარეჯში ამონყვიტეს. დღესასწაულია ოთხშაბათსაც, ამ დღეს მოიხსენიება გრიგოლი სინაელი და ასევე სინას მთაზე მოსაგრე წმინდა მამები. ბრწყინვალე შვიდეულის ხუთშაბათს კიბისალმწერელი გრიგოლი სინაელის ხსენების დღეა.

ბრწყინვალე შვიდეულის პარასკევს კი - ყოვლადწმიდა ღვთისმშობლის ხატის - „წყაროს ცხოვრებისა“ დღესასწაულია. „წყაროს ცხოვრება“ - ხატის სახელზე აგებული ტაძარი გამოირჩევა თავისი ბრწყინვალეობითა და სილამაზით. წყაროზე აგებული ეს ტაძარი ირგვლივ ულამაზესი კვიპაროსებით და ქადრებით არის გარშემორტყმული... წყაროსთან მისული ავაღმყოფები იკურნებიან. შაბათს, თბილისის სიონში თავად გივი ამილახვრის სულის საოხი უამი შეინირვის. ნირვის შემდეგ მადლმოსილი პურის - „არტოსის“ განტეხვა, რომელიც შაბათს და კვირას მორწმუნეებს ურიგდებათ; მორწმუნეები ამაღლებამდე ერთმანეთს ახარებენ: - ქრისტე აღსდგა! - ჭეშმარიტად აღსდგა!

გიული ლიპარტიანი

გაზეთის შედგენი ნომერი გამოვა ოთხშაბათს, 23 აპრილს

ცინცხალი ანეკდოტები
ბავშვში ეძახის დედას მე-16 სართულზე: დედაა, დედაა, დედააა და ბოლოს მთელი ხმით დედაააა, გა მოიხდებოდა დედამისი - დედა მამიკოს დაუძახე რა.
სომხისი წიგნს კითხულობს. პერიოდულად ადგება, სინათლეს გათიშავს და ისევ რთავს.
ცოლმა ჰკითხა: - არმენიკ, ეგრე რატომ აკეთებ?
- ვააა, გადაამრე - გადაფურცელი-სას დენი ტყუილად რატომ უნდა დაიწვას.
- რატომ არ
მოიყვანე უფროსთან წვეულებაზე შენი ლამაზი ცოლი?
- რა ვიცი, კაცო, თუ რამე მოეწონა, სულ გავცვალთო, გავცვალთო იძახის.
საბავადმყოფოში თავგატეხილი პაციენტი მიიყვანეს.
ექთანმა ანგეტის შეგება დაიწყო.
- ცოლიანი ხართ?
- არა, საავტომობილო კატასტროფაში მოვხვდი.
- მოდი ამ ჭიქით ის ხალხი ვადღერძელოთ, ბებია ეფროსინეს ქელესზე რომ ვერ მოვიდა.
- ბარემ ქელესიდან რომ ვერ მიდის, იმათი სადღერძელოც მიყავოლე, სევასტიჩი!



ავტორთა საჭურავლო
რედაქციის მიერ შეუკვეთავი მასალები დაიბეჭდება ავტორთა ხარჯით.
საქართველოს რესპუბლიკის გამომცემელი
გ. ბეზუღვანიანი (მთავარი) პერმისიონის) დ. 19
თელავი 66434
გამომცემელი: შპს „თბილისი-20“-საქართველოს რესპუბლიკის გამომცემელი“ ტ. 599 79-76-79) შპს „ახალი საუკუნე“ იბეჭდება „კოლორში“ (რკინიგზის ჩიხი, № 20)
uac(უაკ)070.4(479.22) ს-323 ISSN 2233-3851
მთავარი რედაქტორი ალექსო ასლანიშვილი 299-62-77; 599 56-81-86
ბასუხისმგებელი რედაქტორები: გურამ გომიგაშვილი 599 53-76-16; რუსლან რუსია 599 17-21-21; საბარტაქი მოგულია 599 36-00-35
ბასუხისმგებელი მდივანი გურამ გურამიძე 514 33-33-24